



**PEKELILING PENTADBIRAN
BILANGAN 43 TAHUN 2022**

**PENSTRUKTURAN SEMULA
PUSAT STRATEGIK PENJANAAN PENDAPATAN
KEPADA UTeM HOLDINGS EDUCATION**

Pejabat Pendaftar
18 Ogos 2022 | 20 Muharam 1444H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTEM100-1/3/1(128)

18 OGOS 2022
20 MUHARAM 1444H

PEKELILING PENTADBIRAN BIL. 43/2022

PENSTRUKTURAN SEMULA PUSAT STRATEGIK PENJANAAN PENDAPATAN KEPADA UTeM HOLDINGS EDUCATION

1.0 TUJUAN

- 1.1 Pekeliling Pentadbiran ini bertujuan untuk memaklumkan kepada pengetahuan semua staf dan pelajar Universiti Teknikal Malaysia Melaka (UTeM) mengenai keputusan Universiti melalui kelulusan Mesyuarat Khas Lembaga Pengarah Universiti Bilangan 2 Tahun 2022 yang bersidang pada 28 Jun 2022 berkaitan Penstrukturan Semula Pusat Strategik Penajaan Pendapatan kepada UTeM Holdings Education.

2.0 LATAR BELAKANG

- 2.1 Penstrukturan semula ini adalah antara strategi bagi menzahirkan aspirasi dan keperluan pihak Universiti untuk memperkukuh aktiviti penajaan pendapatan bagi mengurangkan kebergantungan universiti kepada dana kerajaan.
- 2.2 Selaras dengan penstrukturan ini, Mesyuarat Khas Lembaga Pengarah Universiti Bilangan 2 Tahun 2022 juga telah bersetuju untuk penjenamaan semula Pusat Strategik Penajaan Pendapatan (PSPP) kepada T-Jana di bawah UTeM Holdings Sdn. Bhd dan diselaraskan dengan nama UTeM Holdings Education.
- 2.3 T-Jana merupakan salah satu *Strategic Business Unit* (SBU) yang diletakkan di bawah UTeM Holdings Sdn. Bhd.

3.0 OBJEKTIF PENSTRUKTURAN

- 3.1 Memperkukuhkan serta mengoptimumkan aktiviti penajaan pendapatan di Universiti bagi mencapai objektif kelestarian kewangan Universiti yang mantap dan efisien.

- 3.2 Memperluaskan jaringan kerjasama antara UTeM dengan institusi pendidikan di dalam dan luar negara bagi tujuan penghasilan produk-produk pendidikan yang boleh dikomersilkan.
- 3.3 Menjadi platform untuk segala aktiviti penjanaaan pendapatan yang melibatkan kursus-kursus secara dalam talian termasuk modul bersifat profesional.
- 3.4 Membantu Universiti memasarkan serta mengkomersilkan produk penyelidikan serta harta intelek yang dihasilkan oleh penyelidik UTeM.
- 3.5 Meningkatkan hasil Universiti melalui aktiviti perundingan berimpak tinggi melalui penglibatan pakar-pakar di Universiti (*academician*). *Academician* merupakan satu terma baharu bagi ahli akademik yang mempunyai kemahiran tambahan melalui persijilan dalaman UTeM.
- 3.6 Membangunkan bakat baharu dari kalangan seluruh warga UTeM yang boleh diketengahkan ke peringkat kebangsaan dan antarabangsa.

4.0 PELAKSANAAN

- 4.1 Carta organisasi struktur baharu boleh dirujuk di **Lampiran 1**.

5.0 TARIKH KUAT KUASA

- 5.1 Sehubungan itu, semua staf dan pelajar UTeM diminta mengambil maklum mengenai Penstrukturan Semula Pusat Strategik Penjanaaan Pendapatan kepada UTeM Holdings Education berkuat kuasa **15 Ogos 2022**.

Sekian, terima kasih.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

“KOMPETENSI TERAS KEGEMILANGAN”

Saya yang menjalankan amanah,



MASDZARIF BIN MAHAT

Ketua Pegawai Operasi

Universiti Teknikal Malaysia Melaka

CARTA ORGANISASI UTeM HOLDINGS EDUCATION

